



UNIVERSITÄTS-  
BIBLIOTHEK  
PADERBORN

## **Flores Meditationvm**

**Bebius, Philippus**

**Coloniae Agripp., 1623**

Medit. 31. De Sanato seruo Centurionis.

---

[urn:nbn:de:hbz:466:1-59636](https://nbn-resolving.org/urn:nbn:de:hbz:466:1-59636)

simus orationi, vt proximos negligamus. Itaque  
ita partiri debemus occupationes, vt amor Dei  
nō impediatur amore proximi, nec amor pro-  
ximi imminuat, vel etiam impediatur amor  
Dei.



MEDITATIO XXXI.  
DE SANATO SERVO  
CENTVRIONIS.

PVNCTA MEDITATIONIS.

- Matt. 8.* I. Centurio Christum rogat per senio-  
*Luc. 7.* res Iudaeorum, vt seruum sanet: re-  
spondet Christus se venturum.
- II. Hoc intellecto, deprecatur Centurio  
per amicos dicens: Domine, non sum  
dignus, vt intres sub tectum meum.
- III. CHRISTVS, hanc fidem hominis  
gentilis miratus dixit Iudaeis mul-  
tos venturos ab Oriente & Occiden-  
te, vt recumbant in regno Coelorum,  
filijs regni foras eiectis.

PROPHETIÆ.

- Esa. 33.* 1. **E**Terit fides in temporibus tuis, diuitia  
salutis, sapientia & scientia.
- Esa. 43.* 2. Ab Oriente adducam semen tuum, &  
ab Occidente congregabo te.
3. Ecce

3. *Ecce isti de longè venient, & ecce illi Esa. 49.  
ab Aquilone, & mari, & isti de terra Au-  
strali.*

DOCUMENTA.

1. **C**ENTVRIO reputans se indignum quod Christum adiret, misit populi seniores, qui implerent eius opem pro seruo: sic nos quando obnoxij sumus peccatis, & existimamus nostras preces indignas presentia Domini, confugere debemus ad auxilium Sanctorum, vt eorum meritis & intercessione facilius aditum habeamus ad diuinam misericordiam, & gratias eas impetremus, quibus alioquin nos per demerita indignos censebamus.
2. Ex hoc facto Centurionis tam solliciti pro curanda valetudine sui serui, discere & nos debemus, vt misericordiam erga seruos & omnes subditos exerceamus, maximè quando in aliqua sunt necessitatè: & non facere more quorundam hominum inhumanorum, qui seruos dum infirmantur, aut negligunt, aut domo exturbant.
3. Centurio dixit Christo, Puer meus iacet in domo paralyticus. Magna verè infirmitas est animæ, quando iacet in domo, hoc est, quando interius per prauas cogitationes vel desideria delinquit: sed multo grauior & lethaliior redditur, quando extra domum delinquit exemplo malorum operum vel verborum proximos scandalizando.
4. Seniores rogabant Christum, vt gratiam illam faceret Centurioni, quod amaret ipsorum gentem, & ædificasset ipsis synagogam. Illi merentur tempore aduersita-

ris in suis precibus exaudiri à Deo , qui tempore prosperitatis Dei memores fuerunt & in operibus pietatis , caritatisque Christianæ se exercuerunt.

5. Centurio sanitatem seruo suo restitui petijt à Christo, Primò cum humilitate, nam dixit, non sum dignus. Secundo cum resignatione; nec enim absolute eam restitui petijt, sed tantum certiozem eam reddidit de serui infirmitate. Tertio cum fide: credebat enim eum vno verbo posse à Christo sanari: Vnde discimus quo modo dona temporalia à Deo sint postulanda. Primò cum humilitate, agnoscendo nos ad ea obtinenda indignos. Secundo cum resignatione, committendo nos iudicio & beneplacito Dei, qui nouit optime quid nobis magis còueniat. Tertio, cum fide, firmiter credendo, quod facere possit, & facturus sit quod vtilius erit animæ nostræ.


6. Christus respondit Centurioni. *Ego veniam & curabo eum.* Hic discimus à Redemptore nostro, non parui facere pauperes & infimæ conditionis homines, sed potius erga illos maiorem declarare charitatem, magis benignos & humanos illis se ostendere. Hoc enim maius erit nostrum meritum, quo maior eorum fuerit necessitas: illi enim cum non habeant quod rependere valeant, Deus se eorum loco faciet nostrum debitorem: vt ipse monet nos in Euangelio.

7. Dixit Centurio: *Habeo sub me milites, & dico huic, Vade & vadit, & alij, Veni & venit.* Talis & tu esse debes erga tuos superiores, nempe prompte obsequendo illis in omnibus, quæ imperarint: & multo etiã magis erga Deum Dominum nostrum. Eandem quoque subiectionem procurare debes in teipso,

vt

vt videlicet, animæ tuæ potentia & affectus ita sint ordinati & compositi, vt sine difficultate obsequantur rationi.

8. De hoc infirmo primo Euangelium commemorat fuisse puerum, vel quod idem est, seruum. Secundo iacuisse. Tertiò fuisse paralyticum, id est, non potuisse vllum corporis membrum commouere. Quarto, malè fuisse illo morbo tractatum. Sic miser peccator, per hunc infirmum significatus, Primò est seruus peccati, imò tot Dominorum seruus est, quot vitia & passiones in eo dominantur. Secundò iacet quia non stat erectus instar iustorum: sed procumbit humi totus corde & affectu immerfus rebus huius mundi. Tertiò est paralyticus, id est, ad omnia bona opera impotens; nullum enim eius opus potest esse meritoriũ. Quarto male torquetur, & affligitur continuo conscientia stimulo passionibus, & desiderijs, multoq; timore, & anxietate ad acquirenda & conseruanda bona temporalia.



## MEDITATIO XXXII.

## DE FILIO VIDVAE

## RESVSCITATO.

## PVNCTA MEDITATIONIS.

- I. *Domino in Naim cum turba euntò occurrit pompa funebris, filium vnicum Viduae ad tumulum deferrens.*
- II. *Videns matrem dixit: Noli flere*